



**PRAVILNIK O IZMJENAMA I DOPUNAMA PRAVILNIKA O USLOVIMA I NAČINU
IZDAVANJA POSEBNIH IDENTIFIKACIJSKIH DOKUMENATA (IDENTIFIKACIJSKE
ISKAZNICE) PO OSNOVU SLUŽBOVANJA U DIPLOMATSKIM I KONZULARNIM
PREDSTAVNIŠTVIMA I PREDSTAVNIŠTVIMA MEĐUNARODNIH ORGANIZACIJA
U BOSNI I HERCEGOVINI (SLUŽBENI GLASNIK BIH, BROJ: 19/08 i 90/15)**

Na osnovu člana 124. Zakona o strancima („Sl. glasnik BiH“ broj 88/15) i člana 16. Zakona o upravi Bosne i Hercegovine („Sl. glasnik BiH“ broj 32/02, 102/09 i 72/17) Ministar vanjskih poslova donosi sljedeće izmjene i dopune Pravilnika o uslovima i načinu izdavanja posebnih identifikacijskih dokumenata (identifikacijske iskaznice) po osnovu službovanja u diplomatskim i konzularnim predstavništvima i predstavništvima međunarodnih organizacija u Bosni i Hercegovini (Službeni glasnik BiH, broj: 19/08 i 90/15):

Član 1.

U članu 2. (Definicije) dodaje se tačka i) koja glasi:

i) “Notifikacija” označava obavještenje diplomatskim putem o stupanju na dužnost ili prestanku obavljanja dužnosti članova diplomatskih i konzularnih predstavništava i predstavništava međunarodnih organizacija u Bosni i Hercegovini.”

Član 2.

U članu 3. (Notifikacija novog člana diplomatskog i konzularnog predstavništva i predstavništva međunarodne organizacije u Bosni i Hercegovini) dodaje se novi stav koji glasi:

„Stupanje na dužnost u trajanju kraćem od tri (3) mjeseca se ne notifikuje Ministarstvu. Boravak ovakvih lica se reguliše odredbama Zakona o strancima.“

Član 3.

Član 4. (Nadležnost i svrha izdavanja identifikacijske iskaznice) se mijenja tako da glasi:

"Na osnovu notifikacije iz člana 3. ovog Pravilnika, Ministarstvo izdaje odgovarajuću identifikacijsku iskaznicu, kojom se potvrđuje identitet i status njenog nosioca u skladu sa Bečkom konvencijom o diplomatskim odnosima iz 1961. godine i Bečkom konvencijom o konzularnim odnosima iz 1963. godine, Konvencijom o privilegijama i imunitetima Ujedinjenih nacija iz 1946. godine, Konvencijom o privilegijama i imunitetima specijalizovanih ustanova iz 1947. godine i međunarodnim ugovorima koji obavezuju Bosnu i Hercegovinu.“

Član 4.

U članu 15. (Podnošenje zahtjeva za izdavanje identifikacijske iskaznice) stav 1) tačka b) brišu se riječi:

„(i original pasoša na uvid)“

Briše se stav 2) istog člana koji glasi:

" (2) Ministarstvo u pasoš osobe koja se notifikuje otiskuje prijemni štambilj slijedećeg sadržaja: «Stavljeno na uvid Ministarstvu vanjskih poslova Bosne i Hercegovine», slijedi datum otiska, potpis ovlaštene osobe i mali pečat Ministarstva vanjskih poslova Bosne i Hercegovine."

Član 5.

Pravilnik o izmjenama i dopunama Pravilnika o uslovima i načinu izdavanja posebnih identifikacijskih dokumenata po osnovu službovanja u diplomatskim i konzularnim predstavništvima i predstavništvima međunarodnih organizacija u Bosni i Hercegovini stupa na snagu 8 dana od dana objavljivanja u „Službenom glasniku BiH“.

Broj: 11-05-8-18136/18

Datum: 06.06.2018. godine

MINISTAR

Igor Crnadak